

Hool Du Mie

(Stand By Me)

1. Wan de Storms em Läden tooben, hool Du mie,
Wan de Storms em Läden tooben, hool Du mie,
Wan de Welt mie haft veleit,
Un mien Schep meist unjajeit,
O Mien Gott, soo stoakj un majchtich, hool Du mie.

2. Wan de Sind mie well velocken, hool Du mie,
Wan de Sind mie well velocken, hool Du mie,
Wan de Fient mie Trubel brinjt,
Un mie aule Krauft veschwinjt,
O mien Gott soo stoakj un majchtich, hool Du mie.

3. Wan de groote Sorjen komen, hool Du mie,
Wan de groote Sorjen komen, hool Du mie,
Wan soo steil un ruch de Wajch,
Un soo diesta es de Nacht,
O mien Gott, soo stoakj un majchtich, hool Du mie.

4. Wan de oole Joaren komen, hool Du mie,
Wan de oole Joaren komen, hool Du mie,
Wan ekj sie gaunz schwack un oolt,
Un dan schlieslich kjemt de Doot,
O mien Gott, soo stoakj un majchtich, hool Du mie.

Wieed un Musikj: C. A. Tindley 1905
Plautdietsch: Nettie Friesen
Em auljemeenene Jebruck